



JASMIN, 08.06.2026.

Bosnia and Herzegovina  
Federation of Bosnia and Herzegovina


**CANTON SARAJEVO**

Ministry of traffic  
Road Directorate

Broj: 04-04-27334  
Sarajevo, 22.05.2026. godine

**OPĆINA VOGOŠĆA**

Služba za investicije i komunalne poslove  
Ul. Jošanička 80, Vogošća



**Predmet:** Odgovor na vijećničko pitanje

Direkcija za puteve Kantona Sarajevo zaprimila je vaš akt broj: 07-05-1099/26 od 14.05.2026. godine, kojim nam dostavljate vijećničko pitanje 17/17, upućeno od strane vijećnika Sabiha Salčin (u ime Kluba vijećnika SDA) koje glasi: „Da li Ministarstvo saobraćaja Kantona Sarajevo u saradnji sa Direkcijom za ceste Kantona Sarajevo planira poduzimanje konkretnih mjera ili realizaciju projekta u cilju rasterećenja saobraćajnih gužvi na području općine Vogošća, koje već duži niz godina predstavlja ozbiljan problem za građane, svakodnevno funkcionisanje lokalne zajednice, ali i sigurnost svih učesnika u saobraćaju. S obzirom na učestale zastoje, povećan rizik od saobraćajnih nezgoda, te ugroženu sigurnost pješaka i vozača, posebno u periodima saobraćajnih špiceva, molim da se dostave informacije da li su planirane kratkoročne i/ili dugoročne mjere za rasterećenje gužvi i unapređenje sigurnosti saobraćaja (izmjene režima saobraćaja, signalizacija, rekonstrukcija, nova infrastrukturna rješenja i sl.).“ Ovim putem Vas obavještavamo o sljedećem.

Direkcija za puteve u sastavu Ministarstva saobraćaja vrši upravne i stručne poslove koji se odnose na nadležnosti Kantona Sarajevo u izgradnji, rekonstrukciji, rehabilitaciji, održavanju, zaštiti i upravljanju putevima, a sve u skladu sa Zakonom o cestama Federacije BiH ("Službene novine Federacije Bosne i Hercegovine", br. 12/10, 16/10 i 66/13) i Zakonom o cestama Kantona Sarajevo (Službene novine Kantona Sarajevo, br. 01/22). Prema navedenim zakonima Direkcija za puteve Kantona Sarajevo je upravitelj regionalnih puteva na području Kantona Sarajevo. Prema raspoloživim podacima od ukupne dužine mreže puteva od oko 210 km na području općine Vogošća, na regionalne ceste se odnosi oko 17,3 km odnosno oko 8,2 %, dok se na lokalne i nekategorisane ceste (nadležnost općine) odnosi oko 80%. Shodno tome, bez lokalne samouprave pričati o rješenju tih problema je suvišno. Ovim putem ponavljamo da smo kao i do sada spremni na saradnju i finasiranje projekata sa datim ciljem, ali je potrebno da pripremite konkretne prijedloge i projekte (sa detaljnim analizama) kako bi se isti mogli razmatrati i podržati.

Također napominjemo da je, pored zakonskih ovlasti i odgovornosti (te kadrovske podkapacitiranosti), Direkcija za puteve Kantona Sarajevo implementator projekta izgradnje I tranferzale na području općine Vogošća a koja je rang magistralne ceste i čijom se izgradnjom direktno rasterećava saobraćaj na području općine Vogošća. Podsjetiti ćemo Vas da je dionica u izgradnji teritorijalno isključivo na području Općine Vogošća, a da Odluku o proglašenju javnog interesa donosi Općinsko vijeće a ne Kanton Sarajevo.

Vjerovatno Vam je poznato da je Kantonalni sud u Sarajevu, presudom br: 09 0 U 43774 23 U od 25.07.2025. godine, poništio Rješenje Općinskog vijeća Vogošće 01-27-5997/22 od 28.02.2023. godine, o



proglašenju javnog interesa te vratio Općinskom vijeću na ponovni postupak, te da do današnjeg dana nije donesena nova odluka.

Shodno tome, molimo Vas da sa posebnom pažnjom i u što kraćem roku donesete novu odluku a koja je neophodna za nastavak dinamičnije realizacije projekta.

S poštovanjem,



об.

**Dostaviti:**

- ⓪ Naslovu
- Evidencija
- a/a

